




1619_030.jpg




1619_031.jpg




1619_032.jpg




1619_033.jpg




1619_034.jpg




1619_035.jpg




1619_036.jpg



1619_037.jpg



1619_038.jpg



1619_039.jpg

Histoire de nostre temps.

39

qui seroient mises en vn lieu à ce destiné. Que *Les Catholiques desarmez, & priuez des Magistratures qu'ils exerçoient.* s'il se trouuoit Magistrat ou autres Officiers suspects de telle sorte qu'il y eust danger de se fier à eux, Ils seront contraincts de rendre compte de l'administration de leurs charges deuant des Commissaires, & seront priuez de leurs offices, & mis en leur place des personnes Euangeliques. Ainsi les Euangeliques traicterent les Catholiques en Morauie, à la ratification de leur Confederation. Nous verrons cy-apres ce qui ce passa en Silesie aussi sur ce subject.

Or par la lecture de ceste Vnion & Confederation des Bohemes, Silesiens, Moraues & Luthariens, on peut iuger qu'elle a esté directement faicte par les Euangeliques, avec intention de s'esslire vn Roy de leur Religion, & se deliurer de la domination hereditaire du Roy Ferdinand & des Princes de la maison d'Austriche : ce qui se recognoistra encor plus clairement cy apres.

1. Par les empeschemens que les Ambassadeurs des Deputez des Directeurs & des Estats de Boheme s'efforcerent de donner à Francfort à ce que ledit Roy Ferdinand ne fust admis en l'Assemblée des Eslecteurs pour eslire vn Roy des Romains en Empereur, à laquelle, comme Roy de Boheme, & par consequent l'vn des sept Eslecteurs, il auoit esté cité & adjourné à s'y rendre le 10. Iuillet par l'Eslecteur de Mayéce, qui est celuy des sept Eslecteurs, lequel selon la Bulle d'or doit aduertir les autres Eslecteurs de la mort de l'Empereur, & leur donner iour pour se rendre en personne à Francfort, afin d'y en eslire vn autre,

C iij

Image issue du site mercurefrancois.ehess.fr - Cliché (c) Cécile Soudan